



**Future-proofing  
our children**

Sekolo sa Tshipi 1

Setlhogo: Ka fa re tshwanetseng go rapela ka teng

**Mokaedi wa batsadi  
Sekolo sa Tshipi ithutelo lapeng**



## Go Motsadi

O amogelesegile mo "Ka fa re tshwanetseng go rapela ka teng" Thuto ya ditaelo tsa tumelo.

Mokwalo o o go fa thutuntsho e potlana gore o ka ruta jang thuto e

**O ka ipaakanya le go ruta thuto e jang**

Fa tlase ke maele a go ipaakanya le go ruta thuto e:

Kgato	Tiriso
1.	<p>Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp:</p> <p><a href="https://www.nac-sa.org.za/nac-sa-home/nac-sa-pastoral/sunday-school.html">https://www.nac-sa.org.za/nac-sa-home/nac-sa-pastoral/sunday-school.html</a></p>
2.	<p>Kgobokanya di dirisiwa tse di latelang go netefatsa fa o ipaakanyeditse thuto e:</p> <ul style="list-style-type: none"><li>• Baebele</li><li>• Mokwalo wa thuto wa PDF o o setseng o baakantswe.</li><li>• Pena, metako le lekwalo la ngwana, etc.</li><li>• Setshwantsho sa motshikhinyego se se leng thuso e nngwe</li><li>• Katakasima le Dipotso le dikgarabo (bogolo jang mo batlhomamisiweng)</li><li>•</li></ul> <p><i>Ela tlhoko:</i></p> <p>2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tsweledisa lenaneo.</p> <p>2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wag ago botoka! <i>Tirelo ya sekolo sa tshipi ga e hete metsotsi e 45 .</i></p> <p>2.3: Thuto e lebaganye ( SS1, RI1 kana Tlhomamiso).</p> <p>2.4: O ka kopa thuso mo morutabana wa gago wa sekolo sa tshipi fa o tlhoka thuso.</p>
3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.



## Go ruta thuto ya sekolo sa tshipi mo lapeng

O ka ipaakanya le go ruta thuto e jang

Re tswelela ka go abalana maele a go ipaakanya le go ruta thuto e:

Kgato	Tiriso
4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. <i>Sekai: Nnang mo tafoleng</i>
5.	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka
6.	Kwala dintlhha tsa botlhokwa tse o batlang go di gakologelwa.
7.	Tlhaloganya maikaelelo a thuto a e leng gore ngwana wa gago o tshwanetse go a gakologelwa
8.	Ruta ngwana wa gago thuto ka go jaaka polelo, o ka nna wa bala.
9.	Supegetsa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso
11.	Rapela, kana kopa ngwana wa gago go rapela go tswala thuto

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya sekolo sa tshipi.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Golesega go tlhotlhomisa ka thuto e gore o nne le kitso e e oketsegileng
4. Leletsa moetledi pele wa sekolo sa tshipi.



## Thuto

**Setlhogo**

**Ka fa re tshwanetseng go rapela ka teng**

**Temana**

Matthew 6: 5-8

**Maikaelelo a thuto**

Maikaelelo a thuto e ke go ruta bana gore Thapelo e e tseneletseng e na le boammaaruri e goroga ko Modimong. Go botlhokwa go rapela go tswa mo pelong

### Tshoboko ya thuto:

- Ben o ne a nna mo ntlung e tletseng batho le ba lelwapa la gagwe.
- Letsatsi lengwe mmaagwe a tsamaya nae ko marekisetsong, mo tseleng a bona monna wa ditedu tse di telele a rapela.
- Jeso a bona se mme sa seka sa mo itumedisa.
- Jeso a laletsa mongwe le mongwe go mo sala morago ko thabeng gore a ye go ba rerela.
- Fa a tsena kwa a ruta batho go: 1) Go rapela ka pelo e tletseng nnete, 2) go ya fa go didimetseng gore ba bue le Modimo go sena yo o ba kgoreletsang.

### Thuto e e raya eng mo go rona tsatsi jeno?

Ü Morena Jeso o rutile barutwa ba gagwe go rapela, le rona re batla go ithuta go rapela ka nnete



### Dipotso tse re ka di botsang:

1. **Potso: Ben le mmaagwe ba ne bay a kae?**

*Karabo: Ko marekisetsong go reka*

2. **Potso: Ben o ne a bona mang a rapela mo mmileng?**

*Karabo: Bafarasai*

3. **Potso: A Jeso o ne a itumediswa ke Bafarasai?**

*Karabo: Nnyaa*

4. **Potso: Jeso o ne a ruta batho eng mo thabeng?**

*Karabo: go rapela ka nnete*

### Dinthia tse dingwe go motsadi

1. Tekeletso e e tshwanetseng go dirwa e mo tsebeng ya bo 22. Ke karolo ya thuto  
1.5.1. E ka dirwa morago ga thuto kana wena le ngwana le ka e dira mmogo.

### Thapelo ya ga Rre le Mme le pele ga thuto:

*Modimo o rategang, ke lebogela letsasti le*

*Segofatsa batsadi le bana botlhe*

*Mma re ikutlwelole boleng teng jwa gago*

*Segofatsa thuto e re yang go e amogela*

*Re kopa o re rute go go direla*

*Re thus e go dira thato ya gago*

*Gore re golele gaufi le wena*

*Romela Jeso go tla go re tsaya*

*Mme re bo re ipaakanyeditse go mo kgatlhantsha, Amen*